

Suljević Samir
Zastupnik SDP BIH
Sarajevo, 14.05.2019.godina

BOSNA I HERCEGOVINA
FEDERACIJA BOSNE I HERCEGOVINE
SKUPŠTINA KANTONA BOSNE I HERCEGOVINE
KANTON SARAJEVO, SARAJEVO

n/r Vlade Kantona Sarajevo
n/r Ministarstvo za rad, socijalnu politiku, raseljena lica i izbjeglice Kantona Sarajevo

ZASTUPNIČKO PITANJE

Poslije nedavnog obilaska Udruženja „Dajte nam šansu“ i upoznavanjem sa problematikom i načinom rada, te finansiranjem istog, postavljam zastupničko pitanje: Da li Vlada Kantona Sarajevo i njeno resorno ministarstvo planiraju sistemsku podršku ovom Udruženju i pomoć u Finansiranju istog?

O b r a z l o ž e n j e:

Udruženje Dajte nam šansu vodi servis centre koji su inovativan model podrške porodicama djece i osoba s poteškoćama u razvoju. Sve usluge podrške su besplatne i dostupne svima kojima je to potrebno, bez obzira na dob, vrstu i stepen poteškoće.

Prvi servis centar „Dajte nam šansu 1“ otvoren je 2014. godine, u Sarajevu (u općini Novi Grad) pa potom i drugi „Dajte nam šansu 2“ 2017. godine u općini Stari Grad Sarajevo. Mreža servis centara je proširena na nivou FBiH i RS (Banja Luka, Foča, Tuzla, Zenica).

Centri pružaju usluge na nivou Kantona, na nivou svih 9 općina. Do sada, u Sarajevu, imaju registrovanih 570 porodica na nivou Kantona Sarajevo i jedini pružaju sljedeći besplatan paket usluga za cijelu porodicu: kratki boravak, cjelodnevni boravak, psihološka podrška, informativno pravna podrška, opservacija, mobilni tim – prevoz korisnika, mobilni tim – podrška na adresi korisnika. Do sada je pruženo 40.000 besplatnih usluga.

Servis centri funkcionišu kao domovi zdravlja – što znači – kada smo bolesni imamo dom zdravlja – to ne znači da ćemo ga koristiti svakodnevno nego kada se za to ukaže potreba. Podjednako funkcionišu i servis centri - uslugom i terminom kada je porodici to potrebno.

Kanton Sarajevo je prvi kanton na nivou Federacije i BiH koji je na svojoj teritoriji imao sreću da se Servisni centar otvori i ponudi usluge porodicama djece/osoba s poteškoćama u razvoju posljednjih pet godina.

ZASTUPNIK

 Samir Suljević